
IZVJEŠTAJ O RADU



***POLICIJSKE STANICE GORNJI VAKUF-USKOPLJE
ZA 2020. GODINU***

1. OPĆI I STATISTIČKI PODACI O STANJU SIGURNOSTI

Ovaj izvještaj o stanju sigurnosti u Gornjem Vakufu-Uskoplju za 2020. godinu, sačinjen je na osnovu službenih izvještaja o počinjenim krivičnim djelima i prekršajima protiv javnog reda i mira i sigurnosti saobraćaja, a koji su dostavljeni nadležnim tužilaštvima i sudovima na dalje postupanje. Indikatori koji su korišteni kao uporedni parametri odnose se na prethodnu, 2019. godinu.

Tokom 2020. godini na području nadležnosti ove policijske stanice u oblasti **kriminaliteta** registrirano je **30** krivična djela, što je za **23** djela ili **-43%** manje nego lani. U 14 slučajeva ili 47% krivična djela su izvršena od strane poznatih izvršilaca, a 16 krivičnih djela ili 53% prijavljeno je po nepoznatom izvršiocu, od čega su 10 naknadno rasvijetljena (10 iz izvještajnog i 0 iz ranijeg perioda) ili 63 % od ukupnog broja prijavljenih djela po nepoznatom izvršiocu.

	2020. godina	2019. godina	usporedba +/-	
			br.KD-a	%
Broj registriranih krivičnih djela	30	53	-23	-43%
Broj krivičnih djela po poznatom izvršiocu	14	19	-5	-26%
Broj krivičnih djela po nepoznatom izvršiocu	16	34	-18	-52%

Tabela 1. Uporedna statistika registrovanih krivičnih djela

U oblasti **sigurnosti saobraćaja** registrirane su **86** saobraćajne nezgode, što je za 22 nezgode ili 20% manje nego prošle godine. Što se tiče posljedica, u 2020. godini, na području naše općine nije bilo smrtno stradalih osoba, dok je zabilježeno 4 teže i 19 lakše ozlijeđenih. Najčešći uzroci saobraćajnih nezgoda su brzina - 21, nepropisno odstojanje - 8, oduzimanje prevenstva prolaza - 10, vožnja pod uticajem alkohola - 13, itd.

	2020. godina	2019. godina	usporedba +/-	
			br.s/n	%
Broj registrovanih saobraćajnih nezgoda (s/n)	86	108	-22	-20%
Broj registrovanih s/n sa smrtnom posljedicom	0	0	isto	isto
Broj registrovanih s/n sa teškim tjelesnim ozljeda	4	5	-1	-20%
Broj registrovanih s/n sa lakšim tjelesnim ozljeda	19	33	-14	-42%

Tabela 2. Uporedna statistika registrovanih saobraćajnih nezgoda

U oblasti **javnog reda i mira** registrovano je **65** prekršaja, što je za **7** ili **12%** više nego 2019. godine. Po strukturi prekršaja najviše je bilo "ostalih" prekršaja tj. prekršaja koji se odnose na kršenje policijskog sata i prekršaja vezanih za "covid" mjere - 32, zatim tuča - 12, dok se posebno ističe 7 prekršaja ili 16% njih koji su počinjeni protiv službenih lica odnosno policijskih službenika prilikom vršenja poslova sigurnosti. Za kršenje propisa iz ove oblasti prekršajno je procesuirano 79 lica.

	2020. godina	2019. godina	usporedba +/-	
			br.prek	%
Broj registrovanih prekršaja protiv JRiM	65	58	-17	-23%

Tabela 3. Uporedna statistika registrovanih prekršaja protiv javnog reda i mira

2. PREGLED STANJA SIGURNOSTI PO OBLASTIMA

2.1. Kriminalitet

Kao što je prethodno navedeno u izvještajnom periodu policijska stanica Gornji Vakuf-Uskoplje je provela istražne radnje za **30** krivična djela, od čega je po **vrsti** najviše krivičnih djela protiv imovine (16 ili 53%) i teška krivična djela protiv sigurnosti javnog prometa (4 ili 13%), dok su sva ostala djela po procentu ispod 10%.

KRIVIČNA DJELA	jan-dec 2020	Jan-dec 2019	usporedba +/- jan-dec 2020/jan-dec 2019	
			br.KD-a	%
Teška krađa	8	7	+1	
Krađa	5	16	-11	
Oštećenje tuđe stvari	3	5	-2	
Prijevarena	0	1	-1	
Teška tjelesna povreda	0	1	-1	
Posjedovanje i om. už. opojnih droga	2	5	-3	
Proizvodnja droga	0	4	-4	
Izazivanje šumskog požara	0	1	-1	
Teška k.d. protiv sig. javnog prometa	4	2	+2	
Nasilničko ponašanje	0	1	-1	
Nedozvoljeno držanje oružja	0	2	-2	
Samovlašće	0	1	-1	
Lažno prijavljivanje	0	1	-1	
Nasilje u porodici	0	2	-2	
Ugrožavanje sigurnosti	3	1	+2	
Izazivanje narodnosne mržnje	1	0	+1	
Nedopušten promet akciznih proizv.	1	0	+1	
Nasilničko ponašanje	1	1	0	
Nasilje u obitelji	2	4	-2	
Izazivanje opće opasnosti	0	1	-1	
UKUPNO	30	53	-23	-43%

Tabela 4. Uporedna statistika prema vrsti registrovanih krivičnih djela

Generalno posmatrano u odnosu na prošlu godinu u ovoj oblasti su evidentna poboljšanja u radu i rezultatima jer je broj krivičnih djela smanjen, međutim rasvjetljenost krivičnih djela koja su učinili nepoznati počinioci smanjena je sa 71% na 63%, a ukupna rješenost svih krivičnih djela je na nivou od 80% što znači da je od 30 krivičnih djela riješeno njih 23. Ovakvi rezultati posljedica su aktivnosti koje su poduzimane u toku vođenja istražnih mjera i radnji kojom prilikom je izvršeno 26 uviđaja, fotografirano 26 lica mjesta i pronađeno 16 tragova izvršenja krivičnih djela. U sklopu radnji dokazivanja 19 lica je lišeno slobode, pismeno je pozvano 94, a saslušano je i ispitano 190 lica po različitim osnovama, te je sačinjeno 346 službenih zabilješki o dokazima i informacijama koje će se koristiti u krivičnim postupcima.

2.2. Sigurnost saobraćaja

Stanje sigurnosti saobraćaja je problematika koja je aktuelna, dinamična i izuzetno bitna za ukupan dojam o stanju sigurnosti. U izvještajnom periodu smanjen je broj saobraćajnih nezgoda za 22 ili 20% što je sigurno dobar pokazatelj, ali ovo je oblast u kojoj se mogu postići još bolji rezultati. Akcent će se staviti na ublažavanje poseljedica saobraćajnih nezgoda, posebno onih najtežih, a to su smrtno stradali i teško povrijeđeni. Da bi se postigli bolji rezultati potrebno je analizirati uzroke da bi se odredile prave mjere. Najčešći uzroci saobraćajnih nezgoda su brzina - 21, nepropisno odstojanje - 8, oduzimanje prevenstva prolaza - 10, vožnja pod uticajem alkohola - 13, itd.

UZROCI SAOBRAĆAJNIH NEZGODA	2020. godina	2019. godina	usporedba +/-	
			br.	%
Prekoračenje dozvoljene brzine	21	13	+8	+62%
Nepropisno odstojanje	8	7	+1	+14%
Oduzimanje prevenstva prolaza	10	13	-3	-23%
Vožnja pod uticajem alkohola	13	9	+4	+44%
Nepropisno preticanje	1	4	-3	-70%
Ostali uzroci	33	62	-29	-47%

Tabela 5. Uporedna statistika uzroka saobraćajnih nezgoda

Svi uzroci saobraćajnih nezgoda imaju trend opadanja i tome su sigurno uzroci mjere i radnje koje je poduzimala policijska stanica, pa je u izvještajnom periodu u kontrolu saobraćaja upućeno 1142 patrole, koje su kontrolisale 6534 vozila i vozača, kojom prilikom je iz saobraćaja isključeno 158 vozila i 148 vozača. Što se tiče saobraćajnih prekršaja za njih je izrečeno 3152 prekršajni nalog što će reći da je prosječno svaki dan izdavano cca. 9 prekršajih naloga. Što se tiče razloga najviše prekršajih naloga je izdato zbog prekoračenja dozvoljene brzine i to 4978 ili 76%, zatim neregistrovanost motornih vozila 98, alkohol 55, tehnička neispravnost 57, nepropisno preticanje 5 i ostale vrste prekršaja 993.

Za najteže prekršaje iz oblasti sigurnosti saobraćaja policijska stanica je nadležnom sudu uputila 184 zahtjeva za pokretanje prekršajnog postupka.

Poseban akcent u ovoj oblasti bio je na sigurnosti učenika, u sklopu čega je provedena preventivna akcija „SIGURNA DJECA-OSIGURANA BUDUĆNOST“.

2.3. Javni red i mir

Tradicionalno ova policijska stanica nije imala posebno izražene probleme u ovoj oblasti, bez obzira što je došlo do blagog povećanja u 2020. godini. U izvještajnom periodu je povećan broj prekršaja protiv javnog reda i mira za 7 ili 23% ali ono što se posebno ističe kao problem jesu prekršaji koji se odnose na kršenje mjera donesenih od kriznog stožera, kao što su kršenje zabrane kretanja i dr. zatim tučom, drskim i naročito drskim ponašanjem, kao i prekršaji protiv policijskih službenika dok su obavljali poslove sigurnosti.

PREKRŠAJI PROTIV JAVNOG REDA I MIRA	2020. godina	2019. godina	usporedba +/-	
			br.KD-a	%
Tuča	12	11	1	+9%
Naročito drsko ponašanje	6	10	-4	-40%
Ometanje službene osobe u vršenju poslova sigurnosti	7	11	-4	-40%
Svađa	1	4	-3	-75%
Prosjačenje	7	6	+1	+16%
Ostali prekršaji	31	13	+18	+138%

Osim navedenoga, aktivnosti policijskih službenika su bile usmjerene na rad po brzojavkama u vezi aktuelnih događanja vezanih za pandemiju korona virusa na osnovu kojih je izvršen obilazak 12522 osoba kojima je izdato rješenje o samoizolaciji, 4 osobe su prekršile rješenje o samoizolaciji kojima je uručen prekršajni nalog, prilikom kontrole evidentirano je 173 ugostiteljski objekata koji se nisu pridržavali Naredbe Federalnog ministarstva civilne zaštite na osnovu čega je sačinjeno 173 službenih zabilješki koje su proslijeđene MUP SBK Travnik, evidentirano je 21 koje je prekršilo zabranu kretanja kojima su uručeni prekršajni nalozi.

Poseban akcent je stavljen na sprječavanje aktivnosti prosjačenja kojom prilikom je fokus više bio na onemogućavanju nego kažnjavanju počinitelaca kada su lica koja su bila zatečena u prosjačenju pozivana u policijsku stanicu i tu zadržavana do završetka pazarnog dana ili neke manifestacije.

2.4. Ostale aktivnosti

U izvještajnom periodu nastavljeno je sa zajedničkim radom sa drugim ministarstvima, policijskim agencijama, inspekcijskim i općinskim službama. U sklopu ovih aktivnosti realizovan je zajednički rad sa: pošte (pratnja pošiljki) 28, škole 9, kantonalna uprava za šumarstvo 5, centar za socijalni rad - 5, druge policijske agencije 1, poreska uprava 10.

U okviru pojačanih aktivnosti realizovano je 44 operativnih planova od čega se 10 njih odnosila su se na problematiku kriminaliteta, 21 na oblast sigurnosti saobraćaja i 13 na oblast JRiM.

Po raznim osnovama uzeto je 349 pismenih izjava, te sačinjeno 3031 službenih zabilješki i 333 kriminalističko obavještajnih izvještaja. Također, upozoreno je 112 lica, izvršeno legitimiranje njih 340 lica, a pozvano ih ukupno 125 u službene prostorije ove policijske stanice, privedeno je 28 i zadržano 59 lica, oduzeto predmeta 33, pruženo je asistencija 12, izvršeno je 469 osiguranja objekata i lica, kao i obezbjeđenja 30 javnih skupova.

2.5. Zakonitost u radu

U izvještajnom periodu prijavljena su dva napada na policijske službenike, u četiri slučaja upotrijebljena sredstva prinude – fizička snaga i sredstva za vezivanje. Pokrenut je jedan disciplinski postupak protiv jednog policijskog službenika koji je i kažnjen zbog teže povrede službene dužnosti i državnog namještenika koji je oslobođen, jedna predstavka na rad policijskih službenika je u toku, a po jednoj je jedan policijski službenik kažnjen za lakšu povredu službene dužnosti.

3. PREDLOŽENE MJERE I RADNJE

Posebno važne činjenice koje karakterišu ovaj izvještajni period su:

- nivo kriminaliteta je smanjen za 43%,
- otkrivenost krivičnih djela po nepoznatnom izvršiocu je (63%), te je manja za 8% nego 2019. godine,
- ukupna rješenosť svih krivičnih djela je 80% što znači da je od 30 krivična djela rješeno njih 23,
- smanjen je broj saobraćajnih nezgoda za $\frac{1}{4}$ ili 25%,
- smanjen je broj prekršaja protiv javnog reda i mira za skoro $\frac{1}{4}$ ili 23%

Prema navedenim parametrima i podacima, kao i dosadašnjim iskustvima u narednom periodu potrebno je:

- ✓ raditi na prevenciji svih vrsta krivičnih djela, posebno imovinskih delikata koji čine najveći broj krivičnih djela prijavljenih ovoj policijskoj stanici. Preventivne aktivnosti bi se provodile kroz pojačanu aktivnost svih policijskih službenika u dostavljanju saznanja, rad policije u zajednici i prema dosadašnjim iskustvima planiranje i provođenje akcija.
- ✓ raditi na prevenciji krivičnih djela nasilja u porodici jer ista čine cca. 100% prijavljenih krivičnih djela iz oblasti protiv braka i porodice. Preventivne aktivnosti bi se provodile sa centrima za socijalni rad i drugim srodnim institucijama.
- ✓ raditi na prevenciji krivičnih djela iz oblasti zloupotrebe opojnih droga. Aktivnosti bi se provodile kroz redovan rad, planiranje i provođenje akcija.
- ✓ raditi na prevenciji saobraćajnih nezgoda i njihovih posljedica posebno na smanjenju smrtno stradalih i teže povrijeđenih lica. Poseban akcent u ovoj oblasti bili će na sigurnosti učenika u saobraćaju.
- ✓ raditi na poboljšanju saradnje sa lokalnom zajednicom i građanima jer policija ne postoji zbog sebe nego zbog građana kao garant njihove sigurnosti, kao i sigurnosti lokalne zajednice u cijelini. Poseban akcent staviti na to da građani artikulišu svoje potrebe i probleme da bi se moglo pristupiti rješavanju istih.

